

虛空孕菩薩經卷上

弔一

隋天竺三藏闍那崛多譯

如是我聞一時婆伽婆住佉羅底迦山古昔
神仙所居之處與大一切比丘衆俱度量已
過皆悉漏盡諸大沙門復有菩薩摩訶薩衆
無量無邊阿僧祇恒河沙數諸大人俱乃至
世尊授功德天記荅訖已爾時世尊默然而
住及諸大衆亦復如是爾時西方有一應珠
是摩尼寶忽然出現復有百千帝釋天寶左
右圍遙摩尼應珠時彼應珠最在其前應珠

現已彼山所有諸色光明皆悉不現并諸天
人大神王等聲聞菩薩大地火風諸水色光
莫不隱蔽惟除如來光明不滅爾時大會觀
如來光無量無邊不可說不可說徧滿十方
猶如虛空而世尊光威嚴殊特照曜顯赫最
妙最勝時彼大會所有衆生集會之者各見
自身所有光明并及諸大妙色隱蔽不現自
己色相觸受等事亦復如是凡所觀處狀若
虛空亦復隱蔽日月星宿地水火風一切諸
色種種光明不與眼對耳不聞聲鼻不聞香

舌不得味心意識等亦不能緣亦無彼我亦無六入一切諸大凡所求覓欲有觀視一切方處皆悉不見所覩諸方惟見佛身光明相好顯現特尊遙見彼珠無量無數釋提桓因著身妙珠左右圍遶彼勝摩尼獨在於前時大衆中唯諸菩薩住十地者或得首楞嚴三昧者或復有得一生補處彼等菩薩見斯瑞相不驚不怖不沒不悔所以者何彼諸菩薩於一切法皆達真理曉了實相勤入空門以是義故不驚不怖亦不悔沒其餘菩薩摩訶

薩等及諸聲聞天龍夜叉阿脩羅迦樓羅緊那羅鳩槃茶及諸餓鬼毗舍遮富單那迦叱富單那人非人等集會之者皆悉驚怖恐懼滯沒於此彼岸不能曉了以驚怖心各各相求而不顯現心懷疑惑各作是念此是何相此事何因此誰威欲自決疑而無問處爾時於彼海會之中有一菩薩摩訶薩名曰梵攝即從座起合掌向佛而說偈言
第一二
一切諸法相 真實無知者 若人住諸陰六根皆閉塞 觀一陰不實 所謂色陰是

彼疑諸佛法
願爲說實法
彼大精勤者
頂戴彼莊嚴
彼等欲來故
悉得首楞嚴
如是諸智輩
欲見佛世尊
彼等來詣此
說深法無疑
是等欲來故
告彼菩薩言
若人聞無住
迷惑衆生等
如來此彼岸
得定身難說
天帝著身珠
先現是瑞相
彼等諸菩薩
如是諸智輩
欲見佛世尊
願佛慰此衆
彼當哀矜汝
告彼菩薩言
一如汝所說
善哉大世尊
教知空忍門
最大摩尼寶
無量左右繞
彼等諸菩薩
如是諸智輩
欲見佛世尊
願佛慰此衆
彼當哀矜汝
告彼菩薩言
一如汝所說

此是虛空孕

三昧威力境

得住無說處

三昧光相現

若人住二見

彼等常迷惑

染著斷及常

即失此彼岸

此等二見者

若欲速解脫

是等莫言說

速得證諸地

爾時世尊說

此偈已告彼菩薩作如是言第一

仁者雖然但初學人諸菩薩等應欲教者應教

者彼等言說之相以方便力亦教攀緣六波羅

密乃至諸大本相次第相生應教令證既證

知已然後能於一切諸法無言無說須知本

此是三昧境
若人聞無住
被人能住智
體生處應滅攀緣諸陰無體應證應知不今

彼墮斷常見中捨二邊已即不驚怖不設不悔於諸一切法中不生攀緣之想於諸一切波羅蜜速得圓滿具足成就亦不住於斷常二見爾時世尊說是法已時會大眾還得相見如本無異如舊所見諸色光明如前所聞還聞如故所證所觸亦復如是爾時世尊即舉右手唱如是言此是虛空孕菩薩摩訶薩來詣我所得諸三昧如大海水於菩薩行成就具足如須彌山於大智內猶若虛空勤行精進猶如大風於諸忍中猶若金剛於般若

中猶如虛空於菩薩衆猶如大幢向涅槃路如大商主於諸善根猶如地藏爲衆貧窮猶如德瓶爲幽衆生猶如日光爲失路者猶如盛月爲驚怖衆如須彌山爲諸煩惱病苦衆生如甘露藥爲斷善根諸衆生等猶如拄杖於生天路及涅槃道猶如橋梁於度彼岸猶如大船於上生天猶如閣道若有被人誹謗惱者爲作傘蓋於諸外道猶如師子於諸惱熱猶如冷水於魔怨敵猶如鎧甲於學錯悞猶如智師於諸善根猶如大地於愛鬢者猶

文香華於諸持戒及知足者猶如明鏡於諸無慚無愧人所猶如刀劍於諸病患衆生之內猶如良醫於飢衆生如功德天於渴衆生猶如月珠於疲乏衆猶如牀鋪於諸勤求三昧人所猶如日珠於向菩提道心衆生猶如車乘於諸愛樂禪定衆生如清涼池於樂善提助道衆生猶如華鬘彼善男子又於行諸波羅密者猶如大果彼善男子於修諸地如彼應現摩尼之寶若人修習首楞嚴三昧者如波利質多羅樹彼善男子猶如利劍割節

一切諸見結故彼善男子猶如金剛破壞一切習氣煩惱故能降伏一切魔衆於方便衆生如解地藏者彼善男子顯現勝智善巧方便彼善男子於一切法真實體中能作住持又於一切辟支佛所爲作華鬘又於一切聲聞衆所猶如衣覆於一切天猶如淨眼於諸人中猶如直路於諸畜生能作歸依憐愍餓鬼拔地獄苦入於一切諸衆生所爲大寶器是大福田於諸菩薩猶如大車彼善男子猶如大臣於三世中諸佛如來怛他阿伽度阿

羅呵三藐三佛陀常能守護諸法城門彼善
男子以十八不共法而莊嚴身具足一切諸
佛智慧堪受一切衆生供養種種供具而供
養之唯除如來汝等此會應須迎逆持諸供
具隨力隨分而供給之尊重讚歎以種種寶
及諸旛蓋香華寶幢諸華變等末香塗香華
第一
變莊嚴種種瓔珞以諸寶器安置香湯淨灑
道路種種瓔珞莊嚴道側種種讚歎而歌詠
之何以故汝等一切不久當得如是種種功
德之器爾時一切集會大眾皆從座起面向

西方於虛空孕菩薩摩訶薩所來之處低頭
合掌遙禮致敬心生歡喜踊躍無量熙怡舍
笑正立而住彼大衆中最勝菩薩摩訶薩及
大沙門天王龍王夜叉王阿脩羅王迦樓羅
王緊那羅王摩睺羅伽王五通諸仙各各思
惟我等今者作何供具最勝最勝莊嚴供具
供養供給彼善男子爾時虛空孕菩薩摩訶
薩現神通力變此三千大千世界平正如掌
七寶合成除滅一切山川沙鹵高峯石崖丘
陵坑坎土塊礓石臭處糞穢荆棘沙礫無復

遺餘除諸雲霧塵烟等穢及諸惡聲種種音
樂於此大千種種諸樹變爲七寶其諸寶樹
枝葉華果出微妙香於地所生種種藥草若
小若大若有枝葉若無枝葉皆成七寶於此
娑婆大千世界諸病患者莫不除愈一切地
獄餓鬼畜生皆悉除滅一切諸苦彼等衆生
飢者得食渴者得飲裸者得衣復有種種微
妙瓔珞於是娑婆世界之內所有衆生隨心
所樂莫不滿足身色端正世間無比最勝殊
特六根具足支節洪滿離諸煩惱心得寂定

樂行善行於佛法僧心得淨信如是此會所
集種種一切大衆左右二手皆持應珠於應
珠中復出種種微妙光明照此三千大千世
界悉皆遍滿無不明耀而彼應珠復出種種
微妙音聲雨種種寶種種旛蓋種種瓔珞種
種華香兩種種變種種寶器種種甘果復兩
種種無價衣服種種金縷復兩種種真珠羅
弔一六網復兩種種優鉢羅華分陁利華波頭摩華
拘物頭華沉水等香復兩種種諸末香等所
謂牛頭栴檀及赤栴檀白栴檀等於彼菩薩

所來之路自然灑掃於道二邊變成七寶莊嚴廊廡猶如天帝難勝法堂於其廊內自然化成種種玉女狀如欲界魔王妻妾皆作五種微妙音聲自相娛樂或歌或舞化作如是寶步廊已於佛頂上虛空之中化成一蓋如梵天王所受用者縱廣正等滿百由旬寶線爲總真珠垂露四散垂下諸餘瓔珞處處莊嚴其瓔珞中出五音聲一切大地所生草木若大若小若長若短若好若惡皆悉出於五種天樂一切衆生莫不聞者聞彼聲已無有

不得不退轉地畢竟得至阿耨多羅三藐三菩提爾時彼會一切大眾見虛空孕菩薩現大神力如是莊嚴心生歡欣踊躍無量生殊特想復作是念我等今者於世尊前云何當爲彼善男子敷設別座爾時佛前自然即有一蓮華座白銀爲莖紫金爲葉碼碭爲臺梵摩尼寶以爲華藥縱廣正等一俱盧舍其葉無量百千等數其華周匝自然湧出無量無邊百千華座一如前華等無有異又復於彼大蓮華上見虛空孕菩薩摩訶薩結跏趺坐

自然顯現首戴應珠於彼圍遶蓮華之上復

有無量無邊眷屬諸菩薩等結加趺坐自然顯現爾時彌勒菩薩摩訶薩即以偈告藥王

菩薩摩訶薩言

先來大菩薩 有大名聞者 頂禮世尊足

退坐蓮華上 此勝人來已 顯現大莊嚴

不禮世尊足 經坐蓮華座

爾時藥王菩薩摩訶薩還以偈頌報彌勒菩

薩摩訶薩言

此是仁者見 諸佛真如法 不見有衆生

不染於分別

爾時彌勒菩薩摩訶薩復以偈頌報藥王菩薩摩訶薩言

若不見衆生 是住於實際 何故現莊嚴
汝決我心疑

爾時藥王菩薩摩訶薩復以偈頌報彌勒菩薩摩訶薩言

此是智者諸方便 爲化一切諸衆生
所有不解真如者 愚癡執著住分別
是智出現爲世諦 衆苦逼惱不會真

欲爲令彼等解脫 故現如是莊嚴事

爾時世尊讚歎藥王菩薩摩訶薩言善哉仁者如是如是如汝所說假使一切凡夫衆生彼等衆生終不能知須陀洹人境界方便解脫之事假使一切諸衆生等悉得成於須陀

洹果彼等衆生亦不能知一斯陀含境界方便解脫等事乃至斯陀含人亦不能得知阿那含舍境界方便其阿那含亦不能得知阿羅漢境界方便其阿羅漢亦不能知一辟支佛方漫解脫假使一切諸衆生等悉得獨覺辟

支佛道猶如犀牛獨一無侶彼等緣覺不能得知無生法忍境界方便解脫之事而化衆生假使一切諸衆生等得無生忍亦不能得知一辯才首楞嚴三昧菩薩摩訶薩方便信行契會真如觀察建立本不能知從何處生從何處滅是善男子虛空孕菩薩得無生法忍已過無量無邊數劫亦復已得無礙辯才首楞嚴三昧知諸衆生心所趣以是菩薩故今無量無邊衆生見大莊嚴顯現神力得住獸地如此善男子從此處沒隱身不現於

西方出知於此刹三乘雜教以是義故故現無邊虛空三昧神通勝智現三昧已令諸衆生生歡離想然後現於世諦現入莊嚴三昧現人三昧已因此三昧教化無量無邊衆生善男子此善男子若徑示現真如境界無生法忍莊嚴事者即時世間一切天人心生擾亂即便迷惑乃至八地菩薩猶尚迷沒況餘人也善男子此大菩薩無人能知心行境界顯現之相此善男子得入如是甚深微妙功德之法故有如是無量無邊巧方便智已入

第一
九
一切諸佛法海無有疑心不由他悟自知方便堪爲一切大衆生等而作大王善男子此善男子虛空孕菩薩猶如寶幢能爲一切衆生示現天道解脫之路能除衆生心煩惱病能滅其身諸大苦毒善男子若有衆生墮在邪見曠野之中厄難迷惑不解方便欲求生天欲求涅槃彼等衆生若能至心燒沉水香頂禮致敬彼虛空孕菩薩摩訶薩足者此善男子知彼衆生心心所行真實敬信而彼衆生起煩惱見迷惑顛倒如其往昔所作心業

種諸善根隨其所能於諸佛邊種諸善根或於法邊或於僧邊或作施業或持戒業或復欲於内心證法此善男子或於寢中或於白日在於現前以善方便示現至真之道作是方便已令諸衆生解諸邪見發生善願斷諸邪路滅諸邪道歸於正見如實得彼真正三行即得真正深心所願或復得於真善知識因善知識悉得斷除臭處煩惱邪見之病復得速解惡道之願即得善行勝願因緣彼等速得心行自在亦得安住十深忍中若有衆

生自於身起種種諸病逼切之者或有衆生忘失本心或復失眼或復失舌於六根內不具足者或於身分小不遂者彼等衆生若能至心頂禮虛空孕菩薩或復稱名皆得如意若有衆生欲治患者於晨朝時香湯澡浴當淨身口面正向東燒沉水香頂禮虛空孕菩薩摩訶薩大德之足而彼善男子於睡眼翳中或作婆羅門身或作天帝釋身或作功德天身或作大辯天身或作刹利身或作大臣身或作斷事官身或作醫師身或作父母身

第一

或作童子身或作童女身在病者前忽然來現以是方便而令彼病速得除愈或復示作良藥方便令彼病者一切諸患悉得除差若有衆生或求資財或求多聞讀誦經論若好寂靜深思禪定或求多智或求名聞或求技藝或求苦行或求官位或求身色或求財寶或求善根或求音聲或求饒予或求妻妾或求眷屬或求多衆或求行施或求持戒或求忍辱或求精進或求禪定或求般若或求好聲言語清辯或求事他稱彼心意或求解脫

一切衆罪或求勸人令行布施乃至行智或求長命或有衆生乞少資財恒作慳貪欲令彼等除捨慳貪行於布施或破戒者欲令持戒若懈怠者欲令精進乃至無智慧者令學智慧若有衆生未得定乘教行小乘自度身者教緣覺乘而此善男子於彼衆生示現方便令解上乘若有衆生無有慈心惟護自身不救他苦或有衆生作如是念我今當作何等方便若有衆生欲發道心爲他障破彼等衆生欲迴彼心欲作如是方便示現教彼衆

生住四梵行乃至教行大慈大悲彼等衆生應當頂禮虛空孕菩薩或住阿練若處若在空閑燒沉水香燒多伽羅香或燒栴檀香香湯澡浴身口清淨胡跪合掌五體投地頂禮十方一切諸佛而誦此呪

多地他一阿蜜利舍二阿蜜利舍三迦嚩尼迦四遮羅遮羅五毗遮羅六羶遮羅七迦嚩尼迦八何嚩沒嚩九何嚩末嚩十毗伽陀喇一摩摩佢十一蒲闍末那迦嚩尼迦十三真多末膩十四逋嚩夜迦嚩尼迦十五薩婆貰迷薩他鉢

夜六十阿闍若陀履廿薩破鉗八十薩破鉗九喉嚩帝毗毗伽鉗十二地剎殺蛇毗比伽鉗二十迦嚩尼迦晡利夜姤摩摩二十薩迦賜夜二十三阿貰夜四十薩婆鉢達舍二十阿舒迦伽帝六十莎呵二十

誦此呪時彼善男子即來現前或作人形或作野獸形或作鳥形或雖復來隱身不現觀彼衆生福業深淺隨所受身或出音聲示現一乘善巧方便今彼衆生從一方便能化無量百千衆生未住定乘令住定乘或住聲聞

或住緣覺彼諸衆生於一時頃發智方便用少功業令入大乘不退轉地乃至教示種種三昧諸陀羅尼忍辱度等乃至令住第十菩薩行地之中善男子此虛空孕菩薩得如是等善巧方便大慈悲智善男子我今爲汝要略說之假使有人度量虛空能盡邊際而此善男子方便大智大慈大悲總持三昧難可度量此大菩薩得如是等不可思議功德之法善男子此虛空孕菩薩見有衆生捨離詔曲遠離邪心發淳厚意成就正見不毀於他

第一
不讚自己捨離慳傭無有詭曲不求名聞信心淨者是善男子憐愍彼等清淨衆生示現方便智慧精進如是方便如是智慧如是精進得度厄難發菩提心當得阿耨多羅三藐三菩提教彼衆生所有善根迴向菩提當得正道不退轉地速至阿耨多羅三藐三菩提教作如是方便之利智慧精進圓滿成就六波羅蜜發大力心當速成就阿耨多羅三藐三菩提善男子此虛空孕菩薩得如是等不可思議殊特方便善巧勝智教化衆生爾時

彌勒菩薩摩訶薩白佛言世尊此善男子以何義故首戴應珠如是光燄如是威力善能示現諸餘菩薩無有是事佛告彌勒菩薩摩訶薩言善男子此善男子虛空孕菩薩摩訶薩爲諸衆生成就大慈常化衆生而無休息見諸衆生在大厄難欲拔苦故常不休息若^{第一}有衆生犯四重禁將墮惡道捨諸善根散滅衆善而此善男子爲彼衆生作大醫師見彼衆生墮於無明入邪見網在危厄獄此善男子爲彼衆生猶如日光照明彼罪滅四重業

爲彼衆生拔心疑刺若有衆生破壞心器而此善男子見彼衆生破滅法行爲煩惱陵失於正法欲入惡道無有歸依無有救護棄捨諸智此善男子爲彼等輩罪惡衆生猶如柱杖示現正道於諸罪垢煩惱穢惡洒令香淨教背惡道猶如大車將人天處遠得涅槃若有衆生以欲逼心迷惑熱惱若有衆生瞋恚熾盛共相鬭諍慢嫉妬心無暫息煩惱所亂失於本心若有衆生無明闇障無出離心不識有因不畏來世或有衆生廣集財寶心

無獸足或有衆生具行十惡曾無休息此善男子爲彼等故閉惡道門開天人路猶如妙車運令上生安置涅槃解脫正道以是義故此善男子於諸天人應受供養唯除如來阿羅呵三藐三佛陀爾時彌勒菩薩摩訶薩白佛言世尊佛於前說有四重者何等爲四而諸衆生犯四重已退失諸善斷滅善根墮於惡道違本誓願煩惱所厭爲諸天人之所憎惡而此善男子見如是等諸惡衆生拔彼苦惱置安樂處令得充足爾時佛告彌勒菩薩

善男子凡刹利王有五重惡若彼國王犯五惡者失於往昔所造善根忘本誓願被煩惱蓋遠離天人一切樂事墮於惡道無有出時善男子若有刹利灌頂王者強奪佛物或奪僧物招提僧物或奪信心所施之物或自身奪或教人奪是名第一極惡重罪若有刹利灌頂之王誹謗正法或聲聞乘或緣覺乘或復大乘誹謗不信不令他行教令隱藏是名第二極惡重罪若有利利灌頂之王爲我出家諸弟子等剃除鬚髮著袈裟者若持戒者

若無持戒身脫袈裟令彼還俗科彼與罪若打若縛若復罵辱流徙諸方或遣輸物或令人獄或斷命根是名第三極惡重罪若有刹利灌頂之王故斷父命故斷母命或復斷我弟子阿羅漢命破和合僧出佛身血此等五逆若犯一種或始發心是名第四極惡重罪若有刹利灌頂之王不說有因棄於來世行十惡業十惡業中多教衆生行十不善建立十惡是名第五極惡重罪善男子若有刹利灌頂之王此等五惡但犯一者彼刹利王失

於往昔所作善根悉今散滅違本誓願被煩惱蓋失天人樂後墮惡道於無量劫無有出期善男子此虛空孕菩薩摩訶薩爲彼衆生故生邊地顯示其身或作沙門婆羅門等威儀庠序觀彼衆生隨何身化方便示現如是身相在在處處於國王前如是說法昔未聞者如來所說一切智法甚深經典持戒忍辱諸地行相爲說示現知彼刹利灌頂之王昔造諸罪作不善行自悔自慚欲得謝過更不敢造捨離惡事有悔過者後作福德行大布

第一

十五

施建立善業往生上界即得解脫善男子一切大臣有五重罪若有大臣奪取佛物或奪僧物招提僧物是名第一重罪若有大臣破國村邑或破聚落或破城隍或破他國是名第二重罪若有大臣誹謗正法或聲聞乘或緣覺乘或一切智乘若自誹謗若教他謗不令修行隱沒不顯是名第三重罪若有大臣於佛世尊出家弟子故生擾亂而恐怖之若有所持戒若不持戒若有精進若不精進脫彼袈裟逼令還俗或與身罪或打或縛禁繫罵

辱呵叱恐怖或令輸物或令人獄或斷命根如是名爲第四重罪若有大臣造作五逆或一或二或三或四或具五種造罪惡業如是名爲第五重罪善男子若有大臣此五重中若犯一者彼等大臣失於往業所作善根皆悉滅盡違本誓願失天人樂墮於惡道受大極苦善男子此虛空孕菩薩摩訶薩爲彼衆生生於邊地故住邊地示現身相作沙門身儀齊肅或作童子而爲說法在在處處示現

生相知彼等輩隨有善根而爲說法未曾有
者諸佛所說深妙經典諸陀羅尼忍辱諸地
慰喻說法作是方便令諸臣等悔過發露心
生慙愧懺彼惡業捨離衆罪教修布施精進
持戒建立善業往生上方得涅槃道善男子
第十一聲聞之人有五種事犯大重罪何等爲五一
者殺生二者行姦三者劫盜四者妄語五者
破壞形像出佛身血是名五種犯大重罪若
我聲聞諸弟子等於五事中但犯一者乃至
如上所說之事是虛空孕菩薩摩訶薩爲彼

等故往生彼處示現身相或作沙門及婆羅
門以彼威儀現彼身相爲說種種微妙法義
一切智人所說甚深種種法門修多羅等諸
陀羅尼一切諸地顯揚宣說令彼等聞悔昔
所造種種諸惡憶念不忘深生慚愧懺悔彼
罪更不敢作憊悔罪已修行布施備行苦行
精勤勇猛命終上生後得涅槃即便發心入
於大乘行菩薩行善男子大乘之人有八種
事犯於大罪造八重已令彼初行諸菩薩等
失彼往昔所種善根皆悉滅失違本誓願爲

煩惱蓋使諸天人之所輕忽違背大乘即墮
惡道於多時間在煩惱處離善知識善男子
何等爲八若有衆生以於往昔造惡因緣生
不淨刹彼等衆生以不多種善根因緣故因

善知識乃能得聞甚深大乘微妙經典彼衆

生等心意狹劣亦復不能多種善根是初行

菩薩雖復發於阿耨多羅三藐三菩提心聞
是甚深空相經典爲他解說讀誦如其所聞
如其所誦爲種種愚癡瘡羣衆生如是之輩
宣揚敷演於彼前說一切智法教令讀誦而

彼凡夫無有功勞以凡夫心不能得解甚深
法意聞是法已生恐怖心心生悔沒即便背
於阿耨多羅三藐三菩提於聲聞行中發心
修學

虛空孕菩薩經卷上

音釋

佉底

佉丘迦切

記

剃

必列切

記

剃

謂授

名號

之

擗

其

月

孕

以證

切

齒

龍五切

地

也

崖

皆五

切嚴

苦漬切

塊

土塊也

石

居良切

礪

亦石也

裸

郎果切

裸

赤體也

犀

先齊切

獸

一角微外

在

鼻似一
水牛角在頂形
夜牛曰犀牛
鉗巨痏也嘵
切補博孤
切喉口
切也嘵落
切也嘵郎
切也嘵斗
切也嘵胡
切也嘵口
切也嘵又